

**Zeitschrift:** Il glogn : calender dil pievel : annalas per historia, litteratura e cultura romontscha  
**Band:** 11 (1937)  
**Artikel:** [Poesias]  
**Autor:** Sialm, G.B.  
**DOI:** <https://doi.org/10.5169/seals-881220>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 04.05.2025

**ETH-Bibliothek Zürich, E-Periodica, <https://www.e-periodica.ch>**

---

---

## La flur

1. *Prada verd'ei mia tgina  
Loschamein aul'jeu miutgau.  
Cun eglia da car-carina  
Va miu egl leusi el blau.*
2. *Ina larma de rugada  
Rocla giu dal firmament.  
Il suleagl tier la levada  
Beib' il sitg cun ardiment.*
3. *Salidond cun bia carezia  
Il suleagl el matutin,  
Rir, o rir less da letezia,  
Gie, mussar scadin dentin.*
4. *E vulvend lu mia fatscha  
Plein'odur de niebel mèl,  
Cantinond gl'aviul sgolatscha,  
Gusta, gaud'e va cun el,*
5. *Il carstgaun, che va per via,  
Seretegn per admirar.  
E siu cor vegn plein legria,  
E siu spèrt sto sesalzar.*
6. *Allegrond tut la vallada  
Cun vischinas en rudi,  
Crei e sper'jeu tut beada  
De flurir, flurir tudi.*
7. *O tgei buff cheu tut sur ura!  
Tgei camiar, tgei rumplanar!  
Dieus pertgiri, olma pura,  
Igl orcan vul tei sfraccar!*

## La glina

1. *Sco fina  
regina,  
splendentia d'ardur,  
camina  
la glina  
atras igl azur.*
2. *In nibel  
terribel  
la catta d'agur,  
stgirenta,  
zuppenta  
dal tut la splendur.*
3. *Ti vana  
lontana,  
ti vul sesplenghiar?  
Cuncina  
divina  
vegn tei a tucclar!*

Sur G. B. Sialm

---

## La matta

1. *La matta*  
*secatta*  
*cun legher ani,*  
*cun niala*  
*schì biala*  
*e niebel tshupi.*
2. *Sur ura*  
*sinzura*  
*il nausch de sgarschur,*  
*cugliuna,*  
*scarvuna,*  
*fa greva dolor.*
3. *Patratga:*  
*retratga*  
*ti salvas l'honor;*  
*la via*  
*ch'ei pia*  
*ha fluras d'odur!*

## Il dutget

1. *Ord miez la verdura,*  
*Leu sut in carpugl,*  
*Cun olma zun pura*  
*Compar' il sgargugl.*
2. *Gl'ei l'aua, che nescha*  
*Cun legher tshallat,*  
*Dutget che fa prescha,*  
*Biars cloman: „Vivat!“*
3. *Mo quel spèrt semeina*  
*El bi lag serein,*  
*Ch'el ussa empleina:*  
*Cheu stat el schì bein.*
4. *Quei dutg a mi para*  
*Sc'in giuven mortal,*  
*Che fui dalla tiara,*  
*Lunsch lunsch da tut mal.*

## Beadà fin

1. *Jeu ves' il di che miera*  
*Per ir a sogn ruaus.*  
*Beadà pasch cuviera*  
*La tiar' e vitgs e praus.*
2. *Cu mia glisch vegn stezza,*  
*E tucc' il zenn leuor,*  
*Lu, Segner, sur la pézza*  
*Dai paus etern al cor!*

---

Sur G. B. Sialm